



Inatsisartunut ilaasortaq Naaja H. Nathanielsen, Inuit Ataqatigiit  
MAANI

**Uuliakoornissamut ilusiliaq pillugu § 37 naapertorlugu apeqqummut nr. 2015-096-  
imut akissut**

Inatsisartut suleriaasianni § 37 naapertorlugu Naalakkersuisunut apeqquteqarputit,  
taakkualu matumani akissuteqarfigineqarput.

21. april 2015  
Sagsnr. 2015-110245

- 1. DMI-p uuliakoornissamut modeli maannakkut atugaa immap sikuanut paasissutissanik immersorneqanngitsuusoq ilumoorpa? Taamaassimappat, taava uuliakoornissamut modelimut immap sikuanut tunngasut qaqugu ilanngunneqartalissappat?**

Postboks 930  
3900 Nuuk  
Tlf. (+299) 34 68 00  
Fax (+299) 32 43 02  
E-mail: mmr@nanoq.gl  
www.naalakkersuisut.gl

DMIp maannakkut uuliakoornissamut ilusiliaq atugaa immap sikuanut tunngatillugu ilanngussivissartaqarluni ingerlavoq. Uuliakoornissamut ilusiliaq imaanut aamma immap sikuanut ilusilianut, ingerlaavartumik silasiornermik suliaqarnermut atornerqartartoq aammalu ilaatigut immap siuata ingerlaarneranik, sikoqassusaanik aammalu sikuq issussusaanik naatsorsuisartunut ataqatigiissitaavoq.

Uuliakoornissamut ilusiliaq imaanut aamma immap sikuanut ilusilianit kiisalu silasiornermut ilusiliavit ingerlanneqarpoq. Immap sikuata uuliamut sunniteqarnera toqqaannartumik naatsorsorneqartanngilaq (immap sikuata qaavani/ataani/ iluani qerrussimasooq/akornanni qanoq annertutiginersooq), taamaallaat toqqaannanngitsumik. Imaq sikusimappat, anorip sakkortussusaa sakkukilliarortarpoq. Taamatuttaaq immap qaavata sarfarnera immap sikuata ingerlaarneranut naleqqussartarpoq. Taamaaliornermi uuliap ingerlaarnera kisimi allanngortanngilaq, kisianni akuliuttarnera annikillisarpoq, tassami tassunga anorip sakkortussusaa apeqqutaasarmat. Uuliap/immap sikuata imminnut sunnertarnerisa eqqortumik nassuiarnissaanut avatangiisini ilusiliat assigiinngitsut sumi tamaani suliarineqarput. Taamaattoq ilisimatusarnermi tassani uppernassusersiiniartarneq amigaataavoq, tassami immani sikoqartuni uuliakoornit takuneqartartut amerlavallaanngimmata.

- 2. Uuliakoornernut qanoq ittunut modelilioratoqarsimava (soorlu uuliasiorluni qillerinernut, umiarsuarnut ajutoortunut silalluunniit pissusiinut assigiinngis-sitaartunut modelit eqqarsaatigalugit?) Modelit taakkua assigiinngitsut avammut saqqummiunneqassappat?**

Ilusiliami umiarsuarmit, qillerinermi aamma sinerissap avataani suliaqarfimmit aammalu silap qanoq innerini tamaginni kuutsitsisoorneq passunneqarsinnaavoq. Maannakkorpiat ilusiliaq pingaartumik suliaqarnermi atornerqarsinnaavoq, taamaalilluni maannakkut kuutsitsisoortoqassagaluarpat taassuma naatsorsornissaanut piareersimalluni. Ilusilianik nalinginnaasunik suliaqartoqarnissaa maannakkut pilersaarutigineqanngilaq, kisianni aatsitassarsiorluni ingerlatami aalajangersimasumi tamanna pisussanngorsinnaavoq. Aamma siusinnerusukkat allanut tunngatillugu DMI taamaaliorarsimavoq, ilaatigut Piviusunngortitsineri avatangiisinut

sunniutaasussanik nalilersuineramik suliaarnerni, tamanit pissarsiarineqarsinnaasuni.

**3. Modelit taakkua siullertut upalungaarsimasunit (ajutoorneq pereerpat) ator-neqassappat, imaluunniit pilersaarusiordermi aatsitassanullu ingerlassanullu annertuunut tusarniaasitsinerni aamma ator-neqassappat?**

Maannakkorpiaq ilusiliaq pingaartumik suliaqarnermi ator-neqarsinnaavoq aammalu ajutoortoqarnerani ator-neqartussaalluni. DMI kalerrinneqareermermik kingorna minutsit 15-it qaangiunneranni missiliuineramik tunniussisinnaavoq.

Taamaattoq aatsitassarsiornermik suliaqarnermut aalajangersimasumut atatillugu taanna aamma nammineq suliniuteqarnermi ator-neqarsinnaassaaq, soorlu assersuutigalugu ingerlatseqatigiiffiit namminneerlutik ilusiliaannik naliliinermut atatillugu. Aammattaaq oqaatigineqarsinnaavoq ilusiliaq 2011-imi Kalaallit Nunaata kitaani uulliasiorluni qillerinernut atatillugu ator-neqarmat, tassani ingerlanneqalersoq tunngavigalugu ingerlaavartumik naatsorsuisoqartarluni.

Tamatuma saniatigut ilusiliap atorsinnaanera qulakkeerniarlugu, taanna sapaatip akunnikkaartumik misilerarneqartarpoq.

**4. Upalungaarsimanerup maanna atuuttup naammanneranut naliliinissami modelit aamma ator-neqassappat? Tassani sulisut atortullu – aammali atortut sumi inissisimaneri eqqarsaatigaagut (atortummi sumi tamaniinneq ajormata)?**

Uuliakoornissamut ilusiliaaqqartoq sinerissap avataani aatsitassarsiorluni misissuineramik suliaqarnermut tunngatinneqarpoq, aammalu taamaattunik ingerlataqarnermut atatillugu upalungaarsimanerup nukittorsarneqarnissaanut iluaqutaassalluni, ilaatigut upalungaarsimanerup annertussusilerneqarneranut tunngatillugu. Aatsitassarsiorluni ingerlataqarnermut atatillugu, uuliakoornissamut upalungaarsimanermit pilersaarutit aamma atortut, ingerlatani aarlerinaataasinnasunut aalajangersimasunut naleqqiullugu annertussusilerneqartartussaapput, tassani uuliakoornissamut ilusiliaq aarlerinaataasunik nalilersuinermi sakkussatut pissusissamisoortutut ilaalluni. Aatsitassarsiorluni ingerlataqarnermut atatillugu uuliakoornissamut upalungaarsimaneq taamaalilluni, ingerlatat annertussusaat apeqqutaalluni, nikerartuurtumik annertussuseqartarpoq, taamaalilluni upalungaarsimanerup ingerlatanut aarlerinaataasunullu taakkua malitsigisinnaasaannut, annertussutsinut kiisalu atortut inissisimanerinit tunngatillugu, naleqqussarneqarsimanissaa ingerlaavartumik qulakkeerneqassalluni.

Upalungaarsimanermit aatsitassarsiornermit tunngassuteqanngitsumut tunngatillugu, tamatuminnga pisariaqartitsisoqalissagaluarpat, uuliakoornissamut ilusiliaq oqartussaasunit allanit ator-neqarsinnaavoq (akiliuteqarnikkut), tassami uuliakoornissamut ilusiliaq umiarsuarmit, qillerinernit aamma sinerissap avataani suliaqarfiusumit aammalu silap qanoq issusaanni tamaginni passunneqarsinnaavoq. Assersuutigalugu oqaatigineqarsinnaavoq umiarsuaq 'Vega Sagittarius' 2012-imi Nuup avataani ikkarlimmat, missiliuineramik suliaqartoqarsimammat.

Inussiarnersumik inuulluaqqusillunga

  
Andreas Uldum